

TARIKH : 4 OGOS 2025
AKHBAR : BERITA HARIAN
MUKA : 31
SURAT

RMK13 rangsang industri kreatif

Isnin, 4 Ogos 2025

Hip

31

RMK13 rangsang industri kreatif



PTVM mahu pelaksanaan dibuat secara telus, saksama demi kelangsungan hidup penggiat seni

Oleh Shamshul Azree Samshir
sazree@bh.com.my

Persatuan Penerbit Televisyen Malaysia (PTVM) menyambut baik tiga fokus Rancangan Malaysia Ke-13 (RMK13) dalam merangsang kemajuan ekonomi jingga sebagai satu daripada pemicu pertumbuhan masa hadapan.

Tiga fokus itu adalah penghasilan kandungan bernilai komersial tinggi; pembangunan bakat kreatif dan rantai industri serta pensijilan dan pelesenan dengan fokus kepada sektor animasi dan Dana Padanan.

Presiden PTVM, Datuk Jurey Latiff Rosli, berkata persatuan menyambut baik komitmen Kerajaan MADANI di bawah kepimpinan Perdana Menteri, Datuk Seri Anwar Ibrahim yang akan meningkatkan ekonomi jingga sebagai satu daripada tunjang penting RMK13 bagi tempoh pelaksana-



"Pendekatan ini membuktikan kerajaan melihat industri kreatif sebagai pemangkin penting pertumbuhan ekonomi masa depan. Ini sejajar dengan prinsip Ekonomi MADANI yang menekankan keseimbangan antara pembangunan ekonomi dan keadilan sosial.

"PTVM amat menghargai pengiktirafan terhadap potensi industri kreatif tempatan sebagai penyumbang langsung kepada peningkatan pendapatan negara dan penciptaan pekerjaan bernilai tinggi.

"Tidak terkecuali, penajaan eksport melalui kandungan bernilai komersial tinggi dan hak intelektual (IP)," katanya dalam kenyataan.

Ketika membentangkan RMK13 di Dewan Rakyat, Khamis lalu, Perdana Menteri dilapor berkata, kerajaan komited memacu pertumbuhan ekonomi jingga melalui industri kreatif dipandai berpotensi tinggi, yang menajana pendapatan RM6.3 bilion.

Anwar dilapor berkata, Dana Padanan dan Dana Produksi Ber-

mengalakkan pelaburan bersama antara kerajaan dan sektor swasta dalam penghasilan kandungan bertaraf global.

Anwar dilapor berkata, industri kreatif digital negara menajana pendapatan RM6.3 bilion, dengan nilai eksport mencecah RM850 juta.

Hasil kandungan berkualiti
Anwar juga dilapor memetik produk animasi *Mechamato* dan *Upin & Ipin* ciptaan anak tempatan menjadi bualan di arena antarabangsa.

PTVM menghargai pengiktirafan terhadap potensi industri kreatif tempatan sebagai penyumbang langsung kepada peningkatan pendapatan negara dan penciptaan pekerjaan bernilai tinggi

Jurey Latiff Rosli, Presiden

Jurey berkata, dalam fokus penghasilan kandungan bernilai komersial tinggi, usaha meningkatkan daya saing melalui kandungan berkualiti yang mampu dipasarkan pada peringkat antarabangsa adalah tepat pada masanya.

"Kandungan tempatan harus dilihat sebagai aset ekonomi, bukan sekadar hiburan," katanya.

Jurey berkata, dalam konteks pembangunan bakat kreatif dan rantai industri, RMK13 memberi penekanan terhadap pembangunan bakat dan pemantapan rantai nilai industri kreatif.

"Ini termasuk aspek latihan, Latihan Teknikal dan Vokasional (TVET) dan pembangunan kemahiran.

"PTVM bersedia menjadi rakan pelaksana kepada mana-mana program latihan berasaskan industri yang inklusif dan menyeluruh," katanya.

Beliau berkata, dalam fokus pensijilan dan pelesenan, iaitu tumpuan kepada animasi dan Dana Padanan, PTVM melihat penyaluran dana strategik melalui Dana Padanan dan kemudahan lesen untuk penerbit animasi sebagai langkah positif.

"Namun, PTVM mencadangkan pendekatan sama diperluaskan kepada genre kandungan lain seperti drama, dokumentari, majalah dan kandungan digital," katanya.

mencadangkan beberapa langkah yang dapat memantapkan usaha kerajaan bagi memperkasa ekonomi jingga.

"PTVM berpendapat ketelusan dan penyertaan industri dalam pelaksanaan inisiatif dan peruntukan di bawah RMK13 harus dilaksanakan secara telus, mengikut data dan berdasarkan merit.

"Ini perlu dilakukan dengan pembabitian langsung persatuan industri dalam proses perancangan dan agihan.

"PTVM juga menyarankan IP kandungan kreatif dapat dijadikan aset yang diiktiraf institusi kewangan dan dimasukkan dalam dasar pemilihan aset boleh cagar.

"Selain itu, dana khas untuk pembangunan kandungan tempatan berkualiti tinggi wajar diwujudkan bagi menajana produk yang boleh menembusi pasaran global.

"Usaha ini perlu dilakukan terutama di platform penstriman, OTT dan penyiar antarabangsa," katanya.

Jurey berkata, PTVM sedia bekerjasama rapat dengan FINAS, Kementerian Komunikasi dan semua pihak berkepentingan dalam memastikan kejayaan pelaksanaan inisiatif ekonomi jingga di bawah RMK13.

"Kami yakin dengan strategi yang jelas dan sokongan kerajaan, Malaysia mampu menjadi hab kandungan kreatif serantau